

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-5900-7/21

Datum: 20.10.2021. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-3591 od 18.06.2021. godine, u postupku javne nabavke policijskih palica, pantljička, baterijskih lampi, pištaljki i čunjeva, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUĐAČA I DODJELI UGOVORA ZA
LOT 1, LOT 3, LOT 4 I LOT 5

I

Prihvata se preporuka Komisije za sukcesivne nabavke i ugovor za javnu nabavku policijskih palica, pantljička, baterijskih lampi, pištaljki i čunjeva za potrebe Uprave policije Ministarstva unutrašnjih poslova Kantona Sarajevo dodjeljuje se ponuđačima:

- ABC Sporting d.o.o. Banja Luka i to za:
 - ✓ LOT 1 – policijske palice u iznosu od 3.980,00 KM bez PDV-a
 - ✓ LOT 4 – pištaljke u iznosu od 3.440,00 bez PDV-a
 - ✓ LOT 5 – čunjevi u iznosu od 2.246,00 bez PDV-a.

- KM Trade d.o.o. Visoko i to za:
 - ✓ LOT 3 – baterijske lampe u iznosu od 4.500,00 KM bez PDV-a.

II

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranim ponuđačima ABC Sporting d.o.o. Banja Luka i KM Trade d.o.o. Visoko po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

III

Izabrani ponuđač za LOT 1, LOT 4 i LOT 5 – ABC Sporting d.o.o. Banja Luka je u svojoj ponudi dostavio tražene dokaze navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a), čime se oslobađa obaveze naknadnog dostavljanja istih.

Izabrani ponuđač za LOT 3 – KM Trade d.o.o. Visoko dužan je da u roku od 5 (pet) dana od dana prijema ove odluke dostavi dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-5900/21 od 23.08.2021. godine i Obavještenja o nabavci broj: 16475-1-1-55-3-85/21 od 26.08.2021. godine, proveden je postupak javne nabavke putem otvorenog postupka za policijske palice, pantljičke, baterijske lampe, pištaljke i čunjeve za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-5900/21 od 20.09.2021. godine, za aktivno učešće u postupku dostavljene su ponude ponuđača KM Trade d.o.o. Visoko za LOT 1, LOT 3 i LOT 5, Patrio d.o.o. Zenica za LOT 1 i LOT 3, Danial's d.o.o. Tešanj za LOT 1, LOT 3 i LOT 5 i ABC Sporting d.o.o. Banja Luka za LOT 1, LOT 3, LOT 4 i LOT 5.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljene ponude, te sačinila Zapisnik o pregledu i ocjeni ponuda, broj: 02-11-4-5900-5/21 od 19.10.2021. godine, kojim je utvrdila slijedeće:

- da ponuda ponuđača KM Trade d.o.o. Visoko za LOT 5 ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, tačkom 13.3. traženo je dostavljanje uzoraka za artikle koji su predmet nabavke. „Komisija za javnu nabavku ugovornog organa će na osnovu dostavljenih uzoraka provjeriti da li odgovaraju minimalnom opisu iz obrasca za cijenu ponude i to na način da li opis dostavljenih uzoraka odgovara opisu predmeta nabavke koji je zahtjevan i naveden u obrascu za cijenu ponude (Aneks III) i prostim poređenjem izvršiti ocjenu svih parametara u smislu da li uzorci odgovaraju karakteristikama-opisu zahtjevane stavke.“

Na osnovu naprijed navedenog Komisija je izvršila pregled dostavljenog uzorka za Lot 5 – čunjevi. U tehničkoj specifikaciji za Lot 5 – čunjevi date u Obrascu za cijenu ponude za Lot 5 stoji da čunj treba biti: „označen sa naizmjeničnim bijelim i crvenim poljima koja su izrađena od reflektirajućeg materijala“. Dostavljeni uzorak ima samo jedno bijelo polje, neravnomjerno raspoređeno u odnosu na visinu samog čunja, te u odnosu na polja označena crvenom bojom, samim tim ne zadovoljava opis – značenje riječi „označen sa naizmjeničnim bijelim i crvenim poljima...“ čime ne ispunjava uslove date u tenderskoj dokumentaciji.

U tehničkoj specifikaciji (tehnički list) priloženoj na strani 84. njihove ponude, takođe je jasno naznačeno da se na čunju nalazi jedna traka, što ne zadovoljava tehničku specifikaciju datu u Obrascu za cijenu ponude (Aneks III) za Lot 5 tenderske dokumentacije.

U skladu sa naprijed navedenim, ponuda ponuđača KM Trade d.o.o. Visoko za Lot 5 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponuda ponuđača Patrio d.o.o. Zenica ne sadrži izvještaj o svim računima koje ima privredni subjekat izdat od strane Centralne banke BiH, a u skladu sa tačkom 13.2. ekonomsko-finansijska sposobnost, tenderske dokumentacije.

Ponuđač Patrio d.o.o. Zenica je zajedničku dokumentaciju za sve lotove za koje je poslao svoju ponudu dostavi u ponudi za Lot 1.

U sadržaju na strani 2. svoje ponude ponuđač navodi da je dostavio Izvještaj Centralne banke BiH o računima, međutim na strani 19. i 20. svoje ponude ponuđač je dostavio dva puta istu potvrdu o solventnosti izdatu od strane ASA banke izdatu dana 03.09.2021. godine.

U skladu sa naprijed navedenim, ponuda ponuđača Patrio d.o.o. Zenica za Lot 1 i Lot 3 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponuda ponuđača Danial's d.o.o. Tešanj za LOT 1 ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije.

Naime, tačkom 13.3. traženo je dostavljanje uzoraka za artikle koji su predmet nabavke. „Komisija za javnu nabavku ugovornog organa će na osnovu dostavljenih uzoraka provjeriti da li odgovaraju minimalnom opisu iz obrasca za cijenu ponude i to na način da li opis dostavljenih uzoraka odgovara opisu predmeta nabavke koji je zahtjevan i naveden u obrascu za cijenu ponude (Aneks III) i prostim poređenjem izvršiti ocjenu svih parametara u smislu da li uzorci odgovaraju karakteristikama-opisu zahtjevane stavke.“

Na osnovu naprijed navedenog Komisija je izvršila pregled dostavljenog uzorka za Lot 1 – policijske palice. U tehničkoj specifikaciji za Lot 1 – policijske palice date u Obrascu za cijenu ponude za Lot 1 stoji da policijske palice trebaju biti: „policijska palica – kratka – palice moraju biti proizvedene od

dugotrajnog polipropilena, moraju biti lagane i otporne na lom, dužine 500 – 600 mm, prečnika drške 25 – 35 mm i masom od najmanje 300 g“.

Dostavljeni uzorak policijske palice ne ispunjava uslove iz tehničke specifikacije, a što je jasno vidljivo i iz tehničke specifikacije date na strani 19 od 34 ponude ponuđača za Lot 1. Dužina dostavljenog uzorka policijske palice je 447 mm, tražena minimalna dužina je 500 mm.

Takođe, u tački 13.3. pod a) tenderske dokumentacije je navedeno da uz uzorak treba da bude dostavljena deklaracija ili tehnički list proizvođača. Iz tehničke specifikacije dostavljene na strani 19 od 34 ponude za Lot 1 nije vidljivo ko je proizvođač policijske palice, ista nije izdata od strane proizvođača. U obrascu za cijenu ponude (Aneks III) dostavljenog na strani 8 od 34 ponude za Lot 1, ponuđač nije u za to predviđenoj rubrici upisao zemlju porijekla i proizvođača. Iz cjelokupne ponude dostavljene za Lot 1, niti iz jednog dostavljenog dokumenta se ne može utvrditi ko je proizvođač dostavljenog uzorka policijske palice.

- da ponude ponuđača KM Trade d.o.o. Visoko za LOT 3 i LOT 5, Danial`s d.o.o. Tešanj za LOT 3 i LOT 5 i ABC Sporting d.o.o. Banja Luka za LOT 1, LOT 3, LOT 4 i LOT 5 sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 18.10.2021. godine sa početkom u 13.00 sati za LOT 1;
- 18.10.2021. godine sa početkom u 13.20 sati za LOT 3; i
- 18.10.2021. godine sa početkom u 14.00 sati za LOT 5.

Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije je došlo do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranih ponuđača, i to:

- ABC Sporting d.o.o. Banja Luka sa konačnom ukupnom cijenom ponude za:
 - ✓ LOT 1 – policijske palice u iznosu od 3.980,00 KM bez PDV-a;
 - ✓ LOT 5 – čunjevi u iznosu od 2.246,00 KM bez PDV-a.
- KM Trade d.o.o. Visoko sa konačnom ukupnom cijenom ponude za:
 - ✓ LOT 3 – baterijske lampe u iznosu od 4.500,00 KM bez PDV-a.

Za LOT 4 je podnesena jedna prihvatljiva ponuda, i to:


- ABC Sporting d.o.o. Banja Luka sa konačnom ukupnom cijenom ponude za:
 - ✓ LOT 4 – pištaljke u iznosu od 3.440,00 KM bez PDV-a.

U postupku za LOT 4 je podnesena samo jedna prihvatljiva ponuda te postupajući u skladu sa članom 3., stav 3. Pravilnika o uslovima i načinu korištenja e-aukcije („Službeni glasnik BiH“, broj 66/16) postupak za LOT 4 se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).



POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a